



**Ofisina Sentral di Statistik**

Informashon : (+599 9) 8392300

Adrès: WTC Building, Piscaderabay s/n

E-mail: [info@cbs.cw](mailto:info@cbs.cw)

Website: [www.cbs.cw](http://www.cbs.cw)

Facebook: cbscur

# **Komunikado pa Prensa**

Willemstad, 5 di òktober 2023

## **Desaroyo di preisnan pa konsumidó na Kòrsou pa luna di yüli i ougùstùs 2023**

**Willemstad - For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a subi ku 0.2 porshento na luna di yüli 2023 kompará ku luna di yüni 2023. Na luna di ougùstùs 2023 e nivel di preis a subi ku 0,5 kompará ku luna di yüli 2023. E sifra di inflashon pa luna di yüli ta 6.0 porshento i pa luna di ougùstùs 5,4%.**

*Desaroyo di preis luna di yüli 2023 kompará ku luna di yüni 2023*

E sifra índise di preis pa konsumidó (CPI, “Consumer Price Index”) di Kòrsou a subi ku 0.3. porshento na luna di yüli 2023 kompará ku luna di yüni 2023, e la desaroyá di 116.9 na yüni 2023 pa 117.3 na yüli 2023.

Na luna di yüli mayoria di e kategorianan di konsumo a bira mas karu. E kambionan di preis spesífiko ku mas a sobresalí durante luna di yüli 2023 ta; kuminda (0,9%), muebel (0,3%), bebida i sigaria (0,4%), i paña i sapatu (0,4%).

*Desaroyo di preis luna di ougùstùs 2023 kompará ku luna di yùli 2023*

E sifra índise di preis pa konsumidó (CPI, “Consumer Price Index”) di Kòrsou a subi ku 0.5 porshento na luna di ougùstùs 2023 kompará ku luna di yùli 2023, e la desaroyá di 117.3 na yuli 2023 pa 117.8 na ougùstùs 2023.

Na luna di ougustus mayoria di e kategorianan di konsumo a bira mas karu. E kambionan di preis spesífiko ku mas a sobresalí durante luna di ougùstùs 2023 ta; muebel (0,9%), bibienda (0,9%), kuminda (0,7%), paña i sapatu (0,3%), salubridat (0,3%) i bebida i sigaria (0,2%).

*Desaroyo di preis riba término largu*

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p’esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku yùli 2023 ku mes periodo un aña anterior, ta resultá ku preisnan na averahe a subi ku 6,0 porshento: e CPI promedio di 12 luna a desaroyá di 109.9 na yùli 2022 pa 116.5 na yùli 2023. E CPI promedio di 12 luna a desaroyá di 110,7% na luna di ougùstùs 2022 pa 116.7 na luna di ougùstùs 2023. Ku ta un desaroyo di 5.4 porshento.

////////////////////////////////////